



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509. DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340. DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253. DEVIZNI-IBAN: BA39+1010000051807253. SWIFT: PBSCBA 22. kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171. DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: 1-28324-1/2017
Datum: 27.12.2017. godine
Mjesto: Sarajevo

Na osnovu člana 70., a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14), člana 60. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12 i 58/15), člana 19. Pravilnika o javnoj nabavci roba, usluga i radova u posebnim okolnostima (broj: NO-24771-1-6./2017 od 23.11.2017. godine i broj: NO-25507-1-4./2017 od 07.12.2017. godine) i Zapisnika o pregledu i ocjeni ponuda sa preporukom Komisije broj: UD-12883-1-1/2017 od 18.12.2017. godine, Predsjednik Uprave – Generalni direktor je donio:

O D L U K U

o izboru najpovoljnijeg ponuđača za javnu nabavku roba – boje i lakovi, prateći materijali, pomoćni pribor i alati za antikoroziivnu zaštitu

LOT 2- pomoćni pribor i alati za antikoroziivnu zaštitu

I

Ugovor za javnu nabavku roba – pomoćni pribor i alati za antikoroziivnu zaštitu (LOT-2), za potrebe Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo dodjeljuje se ponuđaču „CHEMO - COMMERCE“ d.o.o. Kočerin sa cijenom u iznosu od **5.862,85 KM bez PDV-a bez PDV-a, odnosno 6.859,53 KM sa PDV-om**, po provedenom otvorenom postupku, tender broj: UD-12883-1/2017.

II

Ugovor se dodjeljuje na osnovu člana 64. stav (1) tačka a) – ekonomski najpovoljnija ponuda.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-12535-1-5.15./2017 od 09.06.2017. godine odobrila pokretanje postupka za javnu nabavku roba – boje i lakovi, prateći materijali, pomoćni pribor i alati za antikoroziivnu zaštitu, za potrebe JP ŽFBiH d.o.o. Sarajevo, podjeljen na lotove kako slijedi: LOT 1-

boje, lakovi za antikorozivnu zaštitu i prateći materijal i LOT 2- pomoćni pribor i alati za antikorozivnu zaštitu, tender broj: UD - 12883-1/2017.

Obavještenje o nabavci je objavljeno na portalu javnih nabavki dana 12.07.2017. godine pod brojem: 1050-7-1-1-201-3-46/17, kao i u „Službenom glasniku BiH“ broj: 52/17 od 21.07.2017. godine.

Odluka Uprave Društva o pokretanju postupka javne nabavke je objavljena na internet stranici JP ŽFBiH d.o.o. Sarajevo – www.zfbh.ba

Rješenjem Predsjednika Uprave - Generalnog direktora, broj: 1-13640-1/2017 od 20.06.2017. godine, imenovana je Komisija za nabavke (u daljem tekstu: Komisija) koja je provela postupak nabavke, u sljedećem sastavu: Alen Džano – predsjednik, Bajra Čaušević – član, Admir Brdar – član, Ana Šimić – član i Alem Mudželet – član i Ajla Dacić – sekretar, te Sehvedin Višća – zamjenik predsjednika, Selma Dervišević – zamjenik člana, Amra Kovačević – zamjenik člana, Mirza Zildžović – zamjenik člana, Hejlana Čekić – zamjenik člana, Nedvin Tucović – zamjenik sekretara Komisije.

Na osnovu člana 63. Zakona o javnim nabavkama ("Službeni glasnik BiH", broj: 39/14), Komisija je dana 02.08.2017. godine u 12:00 sati izvršila javno otvaranje ponuda. Do određenog roka za dostavljanje ponuda, dostavljene su 2 (dvije) ponude, i to: ponuda ponuđača „**CHEMO - COMMERCE**“ d.o.o. **Kočerin** (ulica Privalj broj 5, Kočerin) koja je kod Ugovornog organa zaprimljena dana 02.08.2017. godine u 10:09 sati pod brojem: 45-17160-1/2017, te ponuda ponuđača „**BOJE i LAKOVI SVJETLOST**“ d.o.o. **Tuzla** (ulica Oslobođilaca broj 5, Tuzla) koja je kod Ugovornog organa zaprimljena dana 02.08.2017. godine u 11:25 sati pod brojem: 45-17181-1/2017

Ponude za LOT-1 dostavili su:

1. „**CHEMO - COMMERCE**“ d.o.o. **Kočerin** je ponudio cijenu u iznosu od 169.955,45 KM bez PDV-a, odnosno 198.847,88 KM sa PDV-om,
Rok isporuke: 7 dana od dana ispostavljanja narudžbenice,
Ponuđeni popust: nema.
2. „**BOJE i LAKOVI SVJETLOST**“ d.o.o. **Tuzla** je ponudio cijenu u iznosu od 152.002,41 KM bez PDV-a, odnosno 177.842,82 KM sa PDV-om,
Rok isporuke: 15 dana od dana ispostavljanja narudžbenice,
Ponuđeni popust: nema.

Ponude za LOT-2 dostavili su:

1. „**CHEMO - COMMERCE**“ d.o.o. **Kočerin** je ponudio cijenu u iznosu od 5.862,85 KM bez PDV-a, odnosno 6.859,53 KM sa PDV-om,
Rok isporuke: 7 dana od dana ispostavljanja narudžbenice,
Ponuđeni popust: nema.

Komisija je izvršila pregled ponuda, te konstatovala sljedeće:

1. Ponuda ponuđača „**CHEMO - COMMERCE**“ d.o.o. **Kočerin** je prihvatljiva jer ponuda zadovoljava sve kvalifikacione uslove postavljene u tenderskoj dokumentaciji, te je u ponudi dostavljena sva dokumentacija tražena u tenderskoj dokumentaciji i za LOT- 1 i za LOT-2.
2. Ponuda ponuđača „**BOJE i LAKOVI SVJETLOST**“ d.o.o. **Tuzla** nije prihvatljiva iz sljedećih razloga:

1. Ponuđač je na strani ponude 10 dostavio izvještaj Centralne Banke Bosne i Hercegovine ili ekvivalentni dokument koji izdaje institucija zemlje iz koje ponuđač dolazi o svim transakcijskim računim ponuđača. Na navedenom izvještaju se nalazi pet aktivnih računa kod poslovnih banaka. Ponuđač je dostavio potvrde od samo tri poslovne banke u ponudi o neblokiranosti računa, dok za MF BANKU i SPARKASSE BANK nije dostavio potvrde o neblokiranosti računa.

Tenderskom dokumentacijom tačkom 7.3.2 a) je zahtjevano sledeće:

- a) *Izvještaj Centralne Banke Bosne i Hercegovine ili ekvivalentni dokument koji izdaje institucija zemlje iz koje ponuđač dolazi o svim transakcijskim računim ponuđača i izvještaji svih poslovnih banaka kojima se dokazuje da transakcijski računi ponuđača nisu bili blokirani u protekloj godini dana,*

2. Ponuđač je na strani ponude 43 dostavio izjavu o izvršenim ugovorima koja se odnosi samo za 2016 godinu te je na strani ponude 44 dostavio potvrdu za realizaciju ugovora iz 2016 godine. Ponuđač je propustio da dostavi spisak izvršenih ugovora za 2014-tu i 2015-tu godinu kao i potvrde izdate od primalaca robe za 2014-tu i 2015-tu godinu.

Tenderskom dokumentacijom tačkom 7.4.2 a) i b) zahtjevano je sledeće:

- a) *Spisak izvršenih ugovora o isporuci robe koja je predmet nabavke u posljednje tri godine (2014, 2015, 2016), gdje za svaku godinu mora postojati izvršenje isporuke robe koja je predmet nabavke, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine,*
- b) *Uz spisak izvršenih ugovora ponuđač je dužan dostaviti potvrde koje su izdali primaoci robe, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju;*

3. Ponuđač je na strani ponude 44 dostavio potvrdu za realizaciju ugovora iz 2016 godine, predmetni dokument nije niti u originalu niti u ovjerenoj kopiji.

Tenderskom dokumentacijom tačkom 7.4.1 a) zahtjevano je sledeće:

- a) *Ugovorni organ, zavisno od vrste, količine ili obima, ili namjene predmeta nabavke, u ovom postupku obavezno zahtjeva dokaze u originalu ili ovjerenoj kopiji koji se odnose na tehničku i profesionalnu sposobnost ukoliko drugačije nije određeno stavom tenderske dokumentacije.*

4. Ponuđač je na stranama ponude 51 do 53, zatim 82 do 84, zatim 107 do 108 dostavio dokumente na stranom jeziku koji nisu prevedeni na jedan od službenih jezika u Bosni i Hercegovini od strane ovlaštenog sudskog tumača te ovjereni.

Tenderskom dokumentacijom je zahtjevano sledeće:

8.1.3 Ponuda i svi dokumenti u ponudi i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini.

8.1.4 Svi dokumenti – atesti, certifikati, deklaracije, uvjerenja ili potvrde koji se dostave na stranom jeziku, mogu biti dostavljeni u kopiji. Isti obavezno u svom prilogu moraju imati prijevod od ovlaštenog sudskog tumača, prijevod mora biti dostavljen u originalu ili kopiji ovjerenoj od strane nadležnog organa.

Cijeneći navedeno, Komisija je utvrdila da su ispunjeni zakonski uslovi za nastavak postupka nabavke i zaključenje ugovora, te u skladu sa članom 18. stav 3) Pravilnika o javnoj nabavci roba, usluga i radova u posebnim okolnostima broj: NO-24771-1-6./2017 od 23.11.2017. godine i Pravilnika o izmjenama i dopunama Pravilnika o javnoj nabavci roba, usluga i radova u posebnim okolnostima broj: NO-25507-1-4./2017 od 07.12.2017. godine dala preporuku Predsjedniku Uprave – Generalnom direktoru za dodjelu ugovora za javnu nabavku roba– pomoćni pribor i alati za antikorozivnu zaštitu (LOT-2) **ponuđaču „CHEMO - COMMERCE“ d.o.o. Kočerin u iznosu od 5.862,85 KM bez PDV-a, odnosno 6.859,53 KM sa PDV-om.**

Predsjednik Uprave – Generalni direktor je prihvatio preporuku Komisije i odlučio kao u dispozitivu ove Odluke.

Ugovor se dodjeljuje na osnovu člana 64. stav (1) tačka a) Zakona o javnim nabavkama ("Službeni glasnik BiH" broj: 39/14).

Ugovorni organ će postupiti po članu 70. tačka (6), 71. i 75. Zakona o javnim nabavkama ("Službeni glasnik BiH" broj: 39/14).

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo u roku od 10 (deset) dana od dana prijema ove Odluke, u skladu sa članom 101. Zakona o javnim nabavkama. Žalba se podnosi na način propisan članom 99. Zakona o javnim nabavkama.

Dostavljeno:

- Željeznički operator,
- Sektor za nabavke i prodaju,
- Sektor plana, analize i raspoređivanja prihoda,
- Ponuđaču x2,
- a/a.



Predsjednik Uprave – Generalni direktor
Ivan Džafić, mr. ecc.

7.8-12-2017
+ ~